

## **К ОПУБЛИКОВАНИЮ**

### **КОМИ РЕСПУБЛИКАСА ЮРАЛЫСЬЛӨН**

### **ИНДӨД**

#### **Коми Республикаса Сыктывдін районлөн да Сыктывкарлөн торья мутасьясын лэбачьяслөн зэв патогенной грипп серти дзескөдан мероприятияяс (карантин) урчитөм йылысь**

«Ветеринария йылысь» Россия Федерацияса Оланпаслөн 3.1 да 17 статьяяс, «Пемосьяслөн вуджан, сы лыдын торья опасной, висьомьяслысь, кутшөмьяс серти вермөны урчитны дзескөдан мероприятияяс (карантин), лыддьөг вынсьөдөм йылысь» Россия Федерацияса видз-му овмөс министерстволөн 2011 во ошым тöлысь 19 лунся 476 №-а да «Öлөдан, диагностика вöчан, дзескөдан да мукөд мероприятие збыльмөдан, карантин да мукөд дзескөдөм, кутшөмьясөс веськөдөма сы вылө, медым видзчысьны лэбачьяслөн зэв патогенной грипп паськалөмысь да бырөдны висьманіньяссö, урчитан да дугөдан ветеринарной правилöяс вынсьөдөм йылысь» Россия Федерацияса видз-му овмөс министерстволөн 2021 во рака тöлысь 24 лунся 158 №-а тшöктөдьяс серти (водзö – Ветеринарной правилöяс), «Коми Республикаса Сыктывдін районлөн да Сыктывкарлөн торья мутасын лэбачьяслөн зэв патогенной грипп серти дзескөдан мероприятияяс (карантин) урчитөм йылысь» Коми Республикаса видз-му овмөс да потребительской рынок министрлөн 2023 во сора тöлысь 5 лунся представление подув вылын шуа:

1. Урчитны Коми Республикаса Сыктывдін районлөн да Сыктывкарлөн торья мутасьясын лэбачьяслөн зэв патогенной грипп серти дзескөдан мероприятияяс (карантин) 2023 вося сора тöлысь 5 лунсянь лэбачьяслысь зэв патогенной грипп бырөдан мероприятияяс нуöдны помавтөдз период вылө.

2. Дзескөдан мероприятияессö (карантинсö) колö дугöдны Ветеринарнöй правилöясөн урчитöм мероприятияес нуöдöм бöрын.

3. Урчитны, мый зэв патогеннöй гриппöн эпизоотическöй висьманінön лоö Коми Республикаса Сыктывдін районлön «Зеленеч» сикт овмöдчöминлön торъя мутас географическöй координатыяса мудорьясын: 61.856243 войвыв широта, 50.742956 асыввыв долгота; 61.85689 войвыв широта, 50.745528 асыввыв долгота; 61.858912 войвыв широта, 50.7457 асыввыв долгота; 61.859963 войвыв широта, 50.743471 асыввыв долгота.

4. Урчитны öпаснöй зона мутасын, мый лоö веськыда орччөн эпизоотическöй висьманінкөд эпизоотическöй висьманінлön мудорьяссянь 5 километрöдз радиусөн, эпизоотическöй лоöмтор, месталысь ландшафтын да географияын аслыспöлöслуньяс, тайö зонаын меститчысь олан пунктъяс, овмöсьяс костын овмös, транспорт да мукöд йитöд тöд вылö босьтöмön.

5. Урчитны видзöдан зона мутасын, мый лоö орччөн öпаснöй зонакөд 10 километрöдз радиусөн, эпизоотическöй лоöмтор, месталысь ландшафтын да географияын аслыспöлöслуньяс да тайö зонаын меститчысь олан пунктъяс, овмöсьяс костын овмös йитöдьяс тöд вылö босьтöмön.

6. Дугöдны дзескөдан мероприятияеслön (карантинлön) вына период вылö:

а) эпизоотическöй висьманінын:

висьысь лэбачьясöс бурдöдöмсö;

бокöвöй йöзön мутасö волöмсö, уджалысьяс кындзи, кодьяс збыльмöдöны производственнöй (технологическöй) операцияяс, сы лыдын лэбачьясöс видзöм серти, канму ветеринарнöй служба са специалистъяс да висьманін бырöдны корöм уджалысьяс, йöз кындзи, кодьяс олöны да (либö) недыр кад кезлö воисны мутасö, кодös шуöма эпизоотическöй висьманінön;

лэбачьяс, пöжан кольк вайöмсö да нуöмсö;

лэбачьясөс мөдлао вуджөдөмсө да выль пөв группируйтөмсө;  
начкан прөдуктьяс могысь лэбачьяс начкөмсө;  
лэбачьясөс начкан прөдуктьяс да пөтка видзан мукөд продукция нуөмсө;

став сикас пемөслы вердас нуөмсө, кытчө вермисны инмывлыны висьысь лэбачьясыс;

кувсьөм лэбачьяслысь гөн да пух куштөмсө;  
инвентар да мукөд материально-технической средство нуөмсө, кутшөмьясө вермисны инмывлыны висьысь лэбачьясыс;

лэбачьяссө лэдзавлөмөн видзөмсө;

пөжөм вылө колькьяс пуктөмсө;

транспорт средствояслысь пырөмсө да петөмсө (транспорт средствояс кындзи, кутшөмьясөн вөдитчөны эпизоотической висьманінсө бырөдөм серти мероприятиясын да (либө) йөзлысь уджсө могмөдигөн, кодьяс олөны да (либө) недыр кад кежлө воисны овмөс мутасө);

лэбачьясөс кыйөмсө, кутшөмьясөс пыртөма кыйсян-вөралан озырлун лыдө, кыйсян-вөралан озырлунлысь лыдсө ладмөдөм могысь кыйсьөм кындзи;

б) өпаснөй зонаын:

лэбачьясөс да пөжан кольк вайөмсө да нуөмсө;

лэбачьяслы көрым дасьтөмсө да нуөмсө;

лэбачьяссө лэдзавлөмөн видзөмсө;

видз-му овмөс ярмангаяс, выставкаяс, вузасьөмьяс да мукөд мероприятие нуөдөмсө, кутшөмьяс йитчөмаөсь лэбачьясөс да мукөд сикас пемөсьясөс вуджөдөмкөд, новлөдлөмкөд да чукөртөмкөд;

лэбачьясөс кыйөмсө, кутшөмьясөс пыртөма кыйсян-вөралан озырлун лыдө, кыйсян-вөралан озырлунлысь лыдсө ладмөдөм могысь кыйсьөм кындзи.

7. Урчитны, мый лэбачьяслөн зэв патогеннөй гриппөн висьманін бырөдөм серти торья мероприятиеяссө, кутшөмьясөс урчитөма Россия

Федерацияса ветеринарнӧй оланпастӧчасӧн, збыльмӧдӧны Ветеринарнӧй правилӧяс серти.

8. Коми Республикаса видз-му овмӧс да потребительскӧй рынок министерстволы вынсьӧдны лӧбачьяслысь зэв патогеннӧй грипп бырӧдӧм да висьӧм босьтчӧдысьлӧн паськалӧмысь видзчысьӧм серти мероприятияяслысь план.

9. Тайӧ Индӧдыс вынсялӧ сійӧс официальнойӧ йӧзӧдан лунсянь.

Коми Республикаса Юралысь

В. Уйба

Сыктывкар

2023 вося сора тӧлысь 5 лун

69 №